

ՀՀ ֆինանսների նախարարություն

Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 5/2

9 փետրվարի 2016 թ.

Քննարկվեց Ա/Ձ Սամսոն Հակոբյանի 29.12.2015 թ-ի գանգատը ՀՀ ՖՆ իրավաբանական վարչության պետի 28.12.2015 թ-ի թիվ 299283/11 որոշման դեմ:

Ա/Ձ Սամսոն Հակոբյանի գանգատում բերված փաստարկները.

Ա/Ձ Սամսոն Հակոբյանը հայտնում է, որ «Եկամտային հարկի մասին» ՀՀ օրենքի 13-րդ հոդվածի 2-րդ մասով սահմանված ժամկետում չի ներկայացրել 2015 թ-ի օգոստոս ամսվա եկամտային հարկի և սոցիալական վճարի ամսական ամփոփ հաշվարկը, որի համար ՀՀ ՖՆ իրավաբանական վարչության պետի 28.12.2015 թ-ի թիվ 299283/11 որոշմամբ «Վարչական իրավախախտումների վերաբերյալ» ՀՀ օրենսգրքի 169.1-րդ հոդվածի 2-րդ մասի հատկանիշներով ենթարկվել է վարչական պատասխանատվության:

Ա/Ձ Սամսոն Հակոբյանը խնդրում է չեղյալ համարել ՀՀ ՖՆ իրավաբանական վարչության պետի 28.12.2015 թ-ի թիվ 299283/11 որոշումը:

ՀՀ ֆինանսների նախարարության հարկային և մաքսային մարմինների գանգատարկման հանձնաժողովի եզրակացությունը.

ՀՀ ՖՆ հարկային և մաքսային մարմինների գանգատարկման հանձնաժողովը (այսուհետ նաև Հանձնաժողով), ուսումնասիրելով սույն գործին առնչվող նյութերն ու ապացույցները եկավ հետևյալ եզրակացության:

Քննարկման ընթացքում նշվեց, որ ՀՀ ՖՆ իրավաբանական վարչության պետը, քննելով 14.12.2015թ-ի վարչական իրավախախտման վերաբերյալ թիվ 771 արձանագրությունը և կից նյութերը պարզել է, որ Ա/Ձ Սամսոն Հակոբյանը սահմանված ժամկետում չի ներկայացրել 2015 թ-ի օգոստոս ամսվա եկամտային հարկի և սոցիալական վճարի ամսական ամփոփ հաշվարկը, որի համար նախատեսված է պատասխանատվություն:

Նկատի ունենալով, որ արարքը նախատեսված է «Վարչական իրավախախտումների վերաբերյալ» ՀՀ օրենսգրքի 169.1-րդ հոդվածի 2-րդ մասով, ուստի ղեկավարվելով նույն օրենսգրքի 32-րդ հոդվածի 2-րդ մասով, 244.2-րդ, 281-րդ հոդվածներով և 282-րդ հոդվածի 1-ին կետով ՀՀ ՖՆ իրավաբանական վարչության պետի կողմից 28.12.2015 թ-ին ընդունվել է թիվ 299283/11 որոշումը (այսուհետ նաև Որոշում) Ա/Ձ Սամսոն Հակոբյանի նկատմամբ վարչական տույժ նշանակելու մասին՝ գումարով 20.000 դրամի չափով:

Սույն գործում առկա ապացույցների ուսումնասիրության արդյունքում Հանձնաժողովը եկավ եզրակացության, որ Որոշումը կայացվել է «Վարչական իրավախախտումների վերաբերյալ» ՀՀ օրենսգրքով նախատեսված պահանջների խախտմամբ, հետևյալ պատճառաբանությամբ.

«Վարչական իրավախախտումների վերաբերյալ» ՀՀ օրենսգրքի 37-րդ հոդվածի համաձայն. «Վարչական տույժը կարող է նշանակվել իրավախախտումը կատարվելու օրվանից ոչ ուշ, քան երկու ամսվա ընթացքում, իսկ շարունակվող և տևող իրավախախտման դեպքում՝ այն բացահայտվելու օրվանից երկու ամսվա ընթացքում, բացառությամբ սույն հոդվածով նախատեսված դեպքերի»:

Տվյալ դեպքում Ա/Ձ Սամսոն Հակոբյանը վարչական պատասխանատվության է ենթարկվել 2015 թ-ի օգոստոս ամսվա եկամտային հարկի և սոցիալական վճարի ամսական ամփոփ հաշվարկը սահմանված ժամկետում չներկայացնելու համար:

«Եկամտային հարկի մասին» ՀՀ օրենքի 13-րդ հոդվածի 2-րդ մասի համաձայն հարկային գործակալները պարտավոր են յուրաքանչյուր ամսվա համար այդ ամսվան հաջորդող ամսվա 20-ից ոչ ուշ բացառապես էլեկտրոնային եղանակով հարկային մարմին ներկայացնել եկամտային հարկի ամփոփ հաշվարկ:

Վերոգրյալ իրավանորմերի դրույթներից հետևում է, որ քննարկվող դեպքում Ա/Ձ Սամսոն Հակոբյանը 2015 թ-ի օգոստոս ամսվա եկամտային հարկի և սոցիալական վճարի ամսական ամփոփ հաշվարկը ուշ ներկայացնելու մասով իրավախախտումը կատարել է 2015 թ-ի սեպտեմբերի 21-ին, սակայն վարչական տույժը նշանակվել է միայն 2015 թ-ի դեկտեմբերի 28-ին: Այսինքն, վարչական տույժը նշանակվել է «Վարչական իրավախախտումների վերաբերյալ» ՀՀ օրենսգրքի 37-րդ հոդվածով նախատեսված ժամկետի խախտմամբ, այն է՝ իրավախախտումը կատարվելու օրվանից երկու ամիս հետո ընկած ժամանակահատվածում:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի դրույթներով Հանձնաժողովը գտնում է, որ Ա/Ձ Սամսոն Հակոբյանի գանգատը ենթակա է բավարարման:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի և «Մաքսային ծառայության մասին» ՀՀ օրենքի 37-րդ հոդվածի պահանջներով հանձնաժողովը

ո ր ո շ ու մ է՝

Բեկանել ՀՀ ՖՆ իրավաբանական վարչության պետի 28.12.2015 թ-ի թիվ 299283/11 որոշումը, իսկ գործը՝ կարճել:

Հանձնաժողովի նախագահ՝


Վ.ՄԻՐՈՒՄՅԱՆ

